

外科正宗
雨



重訂外科正宗卷之七

乳癰論第二十六附乳岩

夫乳病者乳房陽明胃經所司乳頭厥陰肝經所屬乳子之母不能調養以致胃汁濁而壅滯爲膿又有憂鬱傷肝肝氣滯而結腫初起必煩渴嘔吐寒熱交作腫痛疼甚宜牛蒡子湯主之厚味飲食暴怒肝火妄動結腫者宜橘葉散散之又憂鬱傷肝思慮傷脾積想在心所願不得志者致經絡痞澁聚結成核初如豆大漸若圍碁子半年一年二載三載不疼不癢漸漸而大始生疼痛痛則無解日後腫如堆粟或如覆碗紫色氣穢漸漸潰爛深者如岩穴凸者若泛蓮疼痛連心出血則臭其時五臟俱衰四大不救名曰乳岩見犯此者百人百必死如此症知覺若早只可清肝解鬱湯或益氣養榮湯患者再加清心靜養無望無碍服藥調理只可苟延

婦科五卷 卷之一
歲月若中年已後無夫之婦得此死更尤速故曰夫乃婦之天也
惟初生核時急用艾灸核頂待次日起泡挑破用披針針入
用水螭散條捕入核內糊紙封蓋至計三日其核自落用玉
生肌斂口再當保養不發又男子乳癰與婦人微異女損肝胃
損肝腎蓋怒火房慾過度以此肝虛血燥腎虛精怯血脈不得上
行肝筋無以榮養遂結腫痛治當八珍湯加山梔牡丹皮口乾作
渴者加減八味丸腎氣素虛者腎氣丸已潰作膿者十全大補湯
懷孕之婦乳疾口內吹因胎氣旺而上冲致陽明乳房作腫宜石
膏散清之亦可消散遲則遷延日久將產出膿乳汁亦從膿竅流
出其口難完有此者純用補托生肌其口亦易完矣

乳癰乳岩看法

初起紅赤腫痛身微寒熱無頭眩無口乾微疼者順已成掀腫發熱



痰痛有時一囊結腫下侵別囊者輕已潰膿黃而稠腫消疼痛漸漸止
四邊作癢生肌者順潰後膿水自止腫痛自消新肉易生膿口易合
者順初起一乳通腫木痛不紅寒熱心煩嘔吐不食者逆已成不熱
不紅堅硬如石口乾不眠胸痞食少者逆已潰無膿正頭腐爛腫勢
愈高痛勢愈盛流血者死潰後肉色紫黑痛苦連心涎氣日深形體
日削者死

乳癰乳岩治法

初起發熱惡寒頭眩體倦六脈浮數邪在表宜散之發熱無寒惡心
嘔吐口乾作渴胸膈不利者宜清之憂鬱傷肝思慮傷脾結腫堅硬
微痛者宜踈肝行氣已成掀腫發熱疼痛有時已欲作膿者宜托裏
消毒膿已成而脹痛者宜急開之又脾胃虛弱更兼補托潰而不斂
膿水清稀腫痛不消疼痛不止大補氣血結核不知疼痛久而漸大

破後惟流污水養血清肝

乳癰治驗

一婦人因怒左乳腫痛寒熱交作以人參敗毒散一劑表症已盡以牛蒡子湯二服腫消漸漸而安

一婦人憂思過度久鬱成癆左乳結核如桃年年似痛非痛咳嗽生痰身發潮熱診之脉微數而無力此真氣雖弱而邪火尚未有餘如用藥合理亦堪調治先用逍遙散加香附貝母十餘服而咳嗽漸止寒熱間作又以八珍湯加香附牡丹皮柴胡遠志十餘服身熱去其八九又以益氣養榮湯加青皮木香兩月餘其胸膈得利暖氣得舒飲食漸進肌膚漸澤外腫以阿魏化痞膏貼之半年餘而消

一婦人右乳疼痛腫如覆碗診之脉數有力此有餘症欲作膿也以



托裏消毒散數服而脹痛卽針之出膿碗許又以十全大補湯加香附十餘服而安

一婦人暴怒左乳結腫疼痛自服仙方活命飲二服疼痛稍止結腫不消仍服清涼敗毒之劑腫痛反作形體日弱予診之脉浮數而無力此屬真氣虛而邪氣實也非補不可以益氣養榮湯四五服其腫始高寒熱亦退又十餘服而膿潰兼以十全大補湯兩月而痊此非純補之功其疾豈能得愈

一男子年過五旬因妻喪子不成立憂鬱傷肝左乳結腫半年痛甚作腐肝脉弦數先以小柴胡湯加青皮山梔遠志貝母數服而肝脉稍平又以八珍湯仍加前藥十餘服其腫漸腐爲膿更服益氣養榮湯庶保收斂彼爲內醫所惑謂鬱怒傷肝肝經有火不必用補更服降火流氣寬中等劑致食少便秘發熱作渴復請予治肝

脉復弦口乾作渴邪火內淫飲食減少脾土受傷便秘發熱陰血竭而為燥為熱已上俱內損症也辭不治後月餘果死

一婦人左乳結核三年方生腫痛診之脉緊數而有力此陽有餘而陰不足也况結腫如石皮肉紫色不澤此乳岩症也辭不治又婦左乳結腫或小或大或軟或硬俱不為痛已半年餘方發腫如覆碗堅硬木痛近乳頭壘壘遍生疙瘩時痛時癢診之脉弦而數腫反慘黑不澤此氣血已死辭不可治又一婦已潰腫如泛蓮流血不禁辭後果俱死

乳癰主治方

牛蒡子湯

牛蒡子湯瓜蔓仁黃芩連翹柴花粉

銀花山梔甘草陳青皮牛子角針平

治乳癰乳疽結腫疼痛母論新久但未成膿服

陳皮 牛蒡子 山梔 金銀花 甘草 瓜蔓仁



黃芩

天花粉

連翹

角針各一錢

柴胡

青皮各五分

水二鍾煎八分入酒一杯和勻食遠服

橘葉散

橘葉散內有柴胡石膏黃芩連翹等

川芎山梔青皮地黃甘草加之効有靈

治婦人有孕胎熱為內吹有兒嚙乳名外吹致乳結成腫痛寒熱交作甚者惡心嘔吐並服之

柴胡

陳皮

川芎

山梔

青皮

石膏

黃芩

連翹

各一錢五分

甘草

橘葉

二十片

水二鍾煎八分食遠服

清肝解鬱湯

清肝解鬱湯陳芍青皮生附併蘇葉

桔牛芎歸貝茯神通草山梔遠志

治一切憂鬱氣滯乳結腫硬不疼不癢久激作疼或胸膈不利肢體倦怠面色痿黃飲食減少

陳皮

白芍

川芎

當歸

生地

半夏



香附各八分 青皮

遠志

茯神

貝母

蘇葉

桔梗各六分 甘草

山梔

木通各四分

水二鍾薑三片煎八分食遠服

鹿角散

鹿角散効獨稱雄 每服三錢酒調下

消乳專於建大功 能教腫痛永無踪

治乳癰新起結腫疼痛增寒發熱但未成俱効鹿角尖三寸用炭火內煨稍紅存性碾末每服三錢食後熱酒一茶鍾調服甚者再

一服必消

回乳四物湯

四乳四物湯最靈 加上麥芽能散乳

芎歸白芍熟地星 更消腫脹得和平

治產婦無兒啞乳致乳汁腫脹堅硬疼痛難忍

川芎

當歸

白芍

熟地各二錢

麥弄

二兩炒 爲籠未

水三鍾煎八分食遠服用腳布束緊兩乳以手按揉其腫自然消

散甚者再用一服



灸乳腫妙方

灸乳腫痛方求異將碗覆於患上灸

憊怒勞傷氣不調諸般腫痛寂然消

治氣腦勞傷或寒熱不調乳內忽生腫痛用碗一隻內用麤燈草四根十字排勻碗內燈草頭各露寸許再用平山麤紙裁成五分濶紙條用水濕紙貼蓋碗內燈草上紙與碗口相齊將碗覆於腫乳上留燈草頭在外將艾大圓放碗足底內點火灸之艾盡再添灸至碗口流出水氣內痛覺止方佳甚者次日再灸一次必消

保安萬靈丹

見癰疽腫瘍門

治乳癰初起發熱惡寒頭眩肢體作痛者立効

益氣養榮湯

見瘰癧門

治鬱怒傷肝七情內結以致乳中生核不疼不癢日久方痛甚者胸膈不利吞酸嘔吐頭目昏眩四肢倦怠或已破潰膿水清稀不



能收斂飲食減少口淡無味自汗盜汗肢體羸瘦者並効

○ 乳便用方

治乳蒲公英最良
葱湯一盞借微汗

酒煎乘熱服眠床
消腫欣然身便安

治乳癰初起腫痛未成膿者用蒲公英春秋開間黃花似菊取連根帶葉二兩搗爛用好酒半斤同煎數沸存渣敷腫上用酒熱服被蓋睡一時許再用連鬚葱白湯一茶鍾催之得微汗而散此方

鄉村偏僻無藥之所用之極妙亦且簡便

下乳天漿散

下乳天漿四物充
王不留行併山甲

茯苓花粉麥門冬
漏蘆甘草木通逢

治乳母元氣虛弱乳汁微少或生兒日久乳少

川芎

當歸

白芍

熟地

茯苓

天花粉

甘草

王不留行炒

麥門冬

漏蘆

川山甲

通草

各一錢

用健猪前蹄一隻煮蹄爛取汁二碗同藥煎至碗半二次頓熱食



遠服之以熱木梳梳其乳房其汁如泉湧而來

木香餅

木香餅用生地黄
氣滯腫疼併閃肋

二物和勻患上裝
用之一熨白無殃

治一切氣滯結腫成核或痛或閃肋風寒所傷並効

木香

錢五

生地黄

一兩
搗膏

右木香為末同地黄和勻量患處大小作餅置腫上以熱熨斗熨之堅硬木痛者間日熨之妙

乳癰應用方

十全大補湯

八珍湯

見癰疽
潰瘍門

逍遙散

水蠍散

小柴胡湯

見癰
瘡門

托裏消毒散

見腫
瘍門

阿魏化瘡膏

見瘡
疾門

附骨疽第二十七

附鶴膝風

夫附骨疽者乃陰寒入骨之病也但人之氣血生平壯實雖遇寒冷



則

則邪不入骨凡入者皆由體虛之人夏秋露臥寒濕內襲或房勞之後蓋覆單薄寒氣乘虛入裏遂成斯疾也初起則寒熱交作稍似風邪隨後臀腿筋骨作痛不熱不紅疼至徹骨甚者曲伸不能轉側日久陰變爲陽寒化爲熱熱甚而腐肉爲脹此疽已成也凡治此症初起寒熱作痛時使用五積散加牛膝紅花發汗散寒通行經絡或萬靈丹發汗亦可次以大防風湯行經活血滲溼補虛又有生於尻臀部位漫腫作疼者內托羌活湯腿內近膝股漫腫木痛者內托芫柴湯腿外側者內托酒煎湯初起通用人參敗毒散加木瓜牛膝蘇木紅花虛者十全大補湯加羌活防己牛膝已成欲作膿者附子八珍湯膿成脹痛者卽針之膿稠而黃體實者十全大補湯膿清色白體虛者保元大成湯食少體倦者香砂六君子湯脾虛寒熱者補中益氣湯以此調理可也又有風溼相乘

腿

之症初起寒熱交作次傳腿腫作痛其形光亮微紅發熱腫痛按之如泥不便起者宜當歸拈痛湯或茯苓佐經湯間服萬靈丹和之以上之症皆由元氣不足中來不可悞用損脾泄氣敗毒等藥外禁寒涼等法如悞用之必致氣血冰凝內肉瘀腐日久化爲汚水敗膿流而不禁者終死又有房欲勞傷寒熱互變氣血乖違經脈橫解受病日深以成斯疾者其患大腫漸漸腫如冬瓜上過脘腹下連足底牽連漫腫皮色不紅日久潰膿色白腥穢腫仍不消痛仍不減元氣日衰身體縮小唇舌乾焦二便枯秘諸藥不効飲食不進者終爲不治又有鶴膝風乃足三陰虧損之症初起寒熱交作時亦宜五積散加牛膝紅花或萬靈丹發汗俱可如汗後腫痛仍不消滅此陰寒深伏以大防風湯溫暖經絡重者兼灸膝眼二穴敷以琥珀膏亦可漸漸取効又如以上之法俱不効者終成

痼疾不必強藥消之只宜先天大造丸史國公藥酒每常服之終年亦可轉重就輕移步行履尚可圖也

附骨疽看法

初起身微寒熱飲食如常結腫微紅疼不附骨者順已成舉動自便結腫成囊疼痛有時膿易成者為吉已潰膿稠腫消痛減身體輕便醒甦睡穩不執者吉潰後元氣易復飲食易進肉易實膿水易乾者吉初起身發寒熱漫腫色白肢體牽強疼痛附骨者險已成舉動不便通腿漫腫不執者紅不作膿者為險已潰膿水清稀氣穢腥臭腫痛不消形體日削者死潰後脾胃虛弱飲食無味口渴不止唇白反枯者死

附骨疽治法

初起發熱惡寒身體拘急腿腳腫痛脈浮緊者散之已成腿腳腫痛



清

皮色不變上下通腫者散寒溫經絡寒熱在腫色白光亮按之如泥不起者宜健脾滲溼身體無熱惡寒脈遲而瀉腿腫不熱者養血溫經絡暑中三陰脈洪而數腿腳掀腫口乾便燥者宜下之已瀉膿水瀉稀飲食減少形體消瘦者補中健脾胃瀉後腫痛不減膿水不止虛熱不退者溫中養氣血愈後筋骨牽強曲伸不便者宜滋養氣血通利關節

附骨疽治驗

一男子中寒發散未盡大腿腫痛脈浮數而無方此風寒未盡內虛故也以五積散去麻黃加牛膝二服疼痛稍減又以內托黃芪酒煎湯四服通腫俱消惟腿外側結腫一塊不退此瘀血凝滯欲作膿也以托裏藥候膿熟針之更以十全大補湯而斂

一男子勞碌遇寒每發腿痛發則寒熱嘔吐胸痞不食此因氣惱飲

食不節脾胃受傷故脾氣有虧飲食不能運化痰滯中脘溼熱動而下流注為腳氣以開結導引丸二服行去停痰又以半夏佐經湯數服嘔止膈利更以附子六物湯數劑消而不發

一老人年六旬過慾腎虛致筋攣痺縮腳膝無力不能步履外貼在風逐溼膏內服三因勝駿丸而愈

一男子右腿腫痛兩月餘予曰膿已成久何不開之彼曰二老醫同治俱稱內消無膿其膿不知真否此當再請二老決之又曰此必無膿但患者昏沉不醒命在危篤予強開之由膿益許以獨參湯連進二服而甦後以十全大補湯調理百日外而安

一男子房事後陰寒大腿無形作痛至夜尤甚不能步履醫以散寒陰溼消痰止痛藥治之其疼益增診之脉細澁而無力此氣血不足寒氣所乘之症當以大防風湯二劑疼痛頓減又四劑其疾痊



安

一男子暑月慾後當風睡臥致寒氣襲於左腿遂成腫痛寒執發作
胸痞不食以保安萬靈丹煮湯化服洗浴發汗以散骨髓寒毒後
以大防風湯去羌活加紅花破故紙溫暖腎經通行經絡腫痛漸
消血脉漸和後以三因勝駿丸間服調理兩月而愈

一監生慾後受寒致成腿痛予以暖腎氣溫經絡散寒邪藥治之彼
以為緩請內醫甘服表散之劑外邪雖散其內必虛又以小柴胡
湯等藥調理致虛熱發作口燥咽乾煩渴不已又以知母石膏湯
清其上防風木瓜威靈仙等劑攻其下眾議紛紛雜藥妄進致病
愈劇仍復請治其時患腿愈腫其形縮小此必死症也况此症原
從腎經受寒非附子破故紙不能通達關節非羌活防風牛膝不
能通行閉滯非人參白朮炙甘草不能使脾氣行達四肢非川芎



當歸白芍孰地紅花不能養血活血凡病從虛而入者先補其虛
後攻其病況治此症不加溫補而反用發散解肌以正風寒有餘
之法治之不死何愈後果死醫者衆悞始信而服之

肘骨疽主治方

五積散

五積膏歸朴桂心
枳殼乾薑併桔梗

蒼半麻陳芍茯苓
白芷甘草共姜行

治風寒溼毒客於經絡致筋掣骨痛或腰脚酸疼或遍身拘急或
發執慙寒頭痛者並宜服之

蒼朮錢二

陳皮

桔梗

川芎

當歸

白芍各一錢

麻黃

枳殼

桂心

乾薑

厚朴各六分

白芷

半夏

甘草

茯苓各四分

薑三片水二鍾煎八分不拘時服頭痛惡寒者加連鬚葱頭三根

蓋汗為效下部加木瓜牛膝



丙托羌活湯 丙托羌活湯君

尻腎癱腫且堅硬
防桂翹木陳皮黃
須用紅花當歸尾

治尻腎患癱堅硬腫痛兩尺脉弦數按之無芳

羌活 黃柏 防風 歸尾 藁朮 肉桂

黃芪錢五分連翹 甘草 蒼朮 陳皮各六分紅花分

水酒各一茶鍾煎八分食前服

當歸拈痛湯 當歸拈痛湯二水
知母茵陳升草節
羌葛防芩苓相澤
人參苦參痛調勻

治溼熱半注腿脚生瘡赤腫作痛或腰脚酸痛或四肢遍身重痛

或下部頑麻作癢或成血風

羌活 當歸 防風 茵陳 蒼朮 苦參

升麻 白朮各七分 葛根 甘草 黃芩 知母

澤瀉 猪苓 人參各五分 黃柏分

水三鍾煎八分食前服



丙托黃芪湯

丙托黃芪湯黃芪
柴胡肉桂連翹等

羌活當歸生地
木瓜加上效堪推

治溼熱腿內近膝股患癱或附骨癱初起腫痛此太陽厥陰之也脉細而弦按之洪緩有力

黃芪鹽水拌炒當歸

柴胡

木瓜

連翹各一錢羌活

肉桂

生地黃

黃柏各五分

水酒各一鍾前一半空心熱服

丙托酒煎湯

丙托酒煎湯桂枝
甘草升麻牛蒡子

柴胡連翹黃通且
煎同酒水效堪推

治寒溼發於腿外側少陽經分患癱或附骨癱堅硬漫腫作痛或流至足陽明經作腫亦治之

黃芪

當歸各二錢

柴胡一錢五分

連翹

肉桂

升麻

牛蒡子各一錢

黃柏

甘草各五分

水酒各一茶鍾前一半食前服



茯苓佐經湯茯苓佐經湯半夏

治足少陽經為四氣所乘以致腰腿發熱痠痛頭目昏眩嘔吐不

食胸膈不利心煩熱悶等症

茯苓 陳皮 半夏

澤瀉 甘草 葛根

水二鍾姜三片煎八分食前服

附子六物湯附子六物湯甘草

治四氣流注於足太陰經骨節煩痛四肢拘急自汗短氣小便不

利手足或時浮腫並皆服之

附子 甘草各一錢 防已

水二鍾薑三片煎八分食遠服

麻黃佐經湯麻黃佐經湯葛根

二木陳皮草葛根 木瓜厚朴共姜行

白木 蒼朮各一錢 藿香

柴胡 厚朴 木瓜各二

防已白木桂枝蒼 太陰足腫最消疼

白木 茯苓各八分 桂枝五分

羌活防風柴木 桂心薑棗効通神



治風寒暑溼流注足太陽經腰足攣痺關節重痛增寒發熱無汗
惡寒或自汗惡風頭痛等症

麻黃 葛根 羌活 防風 蒼朮 茯苓

防已各一錢 桂心 細辛 甘草各五分

水二鍾薑三片棗二枚煎八分食前服

小續命湯

小續命湯芎白朮附子麻黃桂枝芍

防風防已共人參薑汁黃芩甘草等

治寒溼之氣中於三陽致身不熱所患煩疼或腳轉筋或腫或不
腫或膝腿頑痺或時緩縱不隨或遍身百結攣痛或小腸疝氣攻
冲並服之

川芎 白朮 防風 人參 防已 附子生用

麻黃有汗去之 桂心 黃芩 白芍各一錢 甘草五分

水二鍾煎八分入薑汁一匙和勻食前服又暑中三陰所患必熱



去附子減桂枝一半

大防風湯

大防風湯末附歸
羌活牛膝併甘草

麥芎川芎杜仲
薑引加之熟地宜

治三陰之氣不足風邪乘之兩膝作痛久則膝愈大而腿愈細
名曰鶴膝風乃敗症也非此方不能治又治附骨疽皮色不變
腿通腫疼無奈及痢後腳痛緩弱不能行或腿膝腫痛

入參錢二

防風

白木

附子

當歸

白芍

川芎

杜仲

黃芪

羌活

牛膝

甘草

熟地各一錢

水二鍾薑三片煎八分食前服

續蘇散

續蘇散內用木瓜
羌活木香薑作引

香附陳皮大腹
敢教風溼疾無他

治風溼流注腳腫酸痛或麻痺不仁嘔吐不食

檳榔

紫蘇

木瓜

香附

陳皮



大腹皮各錢

木香三分

羌活五分

水二鍾薑三片葱白三莖煎一鍾空心服

獨活寄生湯

獨活寄生湯茯苓桂心杜仲秦芫朮

芎歸防芎細辛芍藥熟地甘草効通靈

治肝腎虛弱風溼內攻足脛緩縱或膝痺攣重

獨活錢二

茯苓

川芎

當歸

防風

白芍

細辛

人參

桂心

杜仲

秦芫

牛膝

熟地

桑寄生真者各一錢

甘草五分

水二鍾薑三片煎八分食前服

神應養真丹

神應養真丹木瓜川芎熟地更絲子

當歸羌芎共天麻蜜丸酒服効堪誇

治厥陰經為四氣所襲腳膝無力左癱右瘓半身不遂手足頑麻

言語蹇澁氣血凝滯遍身疼痛者並服

當歸

川芎

白芍

天麻

羌活

熟地膏



木瓜 鬼絲子各等分

右為細末入地黃膏加蜜丸如桐子大每服百丸空心溫酒送下

三因勝駿丸三因勝駿膝附歸木乳戟甘走沒筋

防麻裏熟炭權麝 蒼蝎荏蓉各故紙宜

治元氣不足真氣虛弱及諸虛被寒溼氣侵襲手足拳攣腳指連脚面拘急走注疼痛筋脉不伸行步不隨常服益真氣壯筋骨黑髭鬚滑皮膚一切足弱鶴膝風症膝愈大而腿愈細並治

附子一枚一兩之外製之 當歸 明天麻 生膝 酸棗仁

熟地鴨膏 防風各三兩 木瓜四兩 全蝎淨身一兩 麝香一錢 乳香

木香 沒藥 羌活 甘草各五錢 檳榔 川萆薢

肉蓯蓉 破故紙 巴戟去心 蒼朮各一兩

右為細末煉蜜丸桐子大每服七十丸空心淡鹽湯溫酒在下病



近者七日年深者半月見效

健步丸

健步丸中用苦參
甘滑羌桂川烏等

防風防已澤柴粉
酒糊為丸效如神

治生平好飲燒酒多傷於脾肺膝中無力伸不能屈屈不能伸膝
脊腿腳沉重行步艱難者

苦參酒洗

防已酒浸

羌活微焙

柴胡

滑石炒

花粉

甘草各五分

防風

肉桂各三錢

澤瀉一兩

川烏泡二錢

右為細末酒糊為丸如桐子大每服三十丸空心溫酒送下

大腹子散

大腹子散蘇木瓜
荆芥桑皮併木通

羌獨赤芍與枳殼
甘草青皮效可證

治風毒腳氣上攻寒熱交作肢節煩疼心神壅悶

大腹子

紫蘇

木瓜

羌活

荆芥

赤芍

木通

獨活

桑白皮

青皮各五分

枳殼一錢

甘草二分

水二鍾薑五片葱白三莖煎八分空心服



加味敗毒散

如味敗毒散人參
桔梗枳殼同甘草

卷獨前柴芎茯苓
木瓜蒼朮此為另

治足三陽經溼熱毒氣流注腳踝焮赤腫痛寒熱如瘧自汗惡寒或無汗惡寒或惡聞飲食者

人參

羌活

獨活

前胡

柴胡

川芎

桔梗

茯苓

枳殼

甘草

木瓜

蒼朮

水二鍾薑三片煎八分食前服便秘加炒大黃

千里健步散

千里健步散高九
草烏加上研為末

細辛白芷共防風
瞬息長安即刻通

治遠行兩腳腫痛若用之可行千里輕便甚妙

細辛

防風

白芷

右等分為末摻在鞋底內如底乾即以水微溼過摻藥著腳行走自不費力再不作腫

雷火神鍼

雷火神針功獨魁
風寒溼毒難痛

丁香斬艾毒香燻
針於患上效甚推



治風寒溼毒襲於經絡為患漫腫無頭皮色不變筋骨疼痛起坐艱難不得安臥者用此針之

蘄艾錢三

丁香分五

麝香分二

藥與蘄艾揉和先將夾紙作筒如指粗大用艾藥疊實收用臨用以肖由紙七層平放患上將針點著一頭對患向紙捺實待不痛方起針病甚者再復一次七日後火瘡大發自取功效矣

追風逐溼膏

逐溼膏中川草烏羌活止木歸蒂菴

麻藤星桂半萆圖獨活將軍共相扶

治風寒暑溼相傷以致骨節疼痛筋攣不能步履或麻木溼痺等症並效

蒺藜草

麻黃

川烏

草烏

海風藤

半夏

南星

羌活

萆麻子

羽桂枝各二兩

獨活

細辛

當歸

白芷

蒼朮

大黃

各一兩



以上藥各切咀片用葱汁薑汁各二碗拌藥先浸一宿次日用香油半斤同藥入鍋內慢火煎至葱薑二汁將乾不報時油方與藥相煎渣枯為度細絹濾清每油一斤下飛過炒丹十兩為淮配用再將前油入鍋內煎滾以油滴水成珠不散方下黃丹徐徐攪入其膏已成再下碾淨淨松香末一斤四兩再同熬化取下鍋來以盆頓穩再下乳香木香胡椒輕粉各末二兩白芥子細末四兩漸人攪勻傾入鉢內盛貯漸用熱湯頓化綾緞攤貼七日後諸病可痊百發百中

附骨疽應用方

保安萬靈丹

見癰疽
脾腸門

十全大補湯

見潰瘍門

小柴胡湯

見癰瘰
瘰癧門

腸癰論第二十八

大腸癰者皆溼熱瘀血流入小腸而成也又由來有三一男子暴急

奔走以致腸胃傳送不能舒利敗血濁氣壅遏而成者一也二婦
 人產後體虛多臥未經起坐又或坐草艱難用力太過育後失迷
 敗瘀以致敗血停積腸胃結滯而成者二也三饑飽勞傷擔負重
 物致傷脾胃又或醉飽房勞過傷精力或生冷並進以致氣血乖
 違溼動痰生多致腸胃痞塞運化不通氣血凝滯而成者三也總
 之初起外症發熱惡寒脉扎而數皮毛錯縱腹急漸腫按之急痛
 大便墜重小便溢滯若淋甚者臍突腹脹轉側水聲此等並見則
 內癰已成也初起未成時小腹殷殷作痛儼似奔豚小便淋瀝者
 當大黃湯下之瘀血去盡自安體虛脉細不敢下者活血散瘀湯
 和利之已成腹中疼痛脹滿不食便淋刺痛者薏苡仁湯主之腹
 濡而痛小便急脹時時下膿者毒未解也用牡丹皮湯治之如膿
 從臍出腹脹不除飲食減少面白神勞此皆氣血俱虛宜八珍湯

水

加牡丹皮肉桂黃芪五味子斂而補之如積裏日久因循不識此
症誤作脹病治之以致毒攻內臟腸胃受傷或致陰器攻爛腐爛
黑斑色敗無膿每流污水腹連陰痛煩躁不止身熱口乾衾禱
臭臥房難進者凡犯之俱為不治證宜斟酌之

腸癰看法

初起小腹疼痛小便不利六脉微緩不作寒熱者輕已成小腹腫而
堅硬小便數而不利六脉洪數者險已潰時時下膿裏急後重日夜
無度疼痛不減者重潰後膿腥臭穢或流敗水濁瘀虛熱更增不食
者死

腸癰治法

初起小腹疼痛或軟或硬脉芤數者瘀血也宜下之小腹作痛有塊
大便秘澁小便如淋者宜和而利之已潰時時下膿膿痛不止飲食



無味者宜托而補之產婦惡露不盡流注小腸作痛脈數者宜和而導之腹脹日久臍高突出轉側響如水聲臍內蓄急針之

腸癰治驗

一男子小腹脹痛裏急後重時時下膿醫作痢疾治之愈重診之脈芤而數此小腸癰也薏苡仁湯一服下膿升許隨不墜重更以牡丹皮散六服而安

一幼婦產後月餘腹中漸痛腫脹如蠱內醫紛紛認爲蠱病又月餘沉重昏憤彼家已棄不治請予視童稚瘡恙偶言此予討診之彼時人雖昏憤不甦診之其脈細數有力此內癰膿病也猶似不妨彼家曰無生之理予曰腹腫上見而按之一決其生何如隨視腫皮緊急光亮臍下大熱此內癰不妨乃萬無一失之病彼家歡悅分付先備淨桶用滾湯半桶蓋之聽用先以薏苡仁湯加酒炒大

黃二錢徐徐灌服待腹中覺痛搭起患者坐桶上熱氣薰蒸其膿下如湧泉連湯與膿約其滿桶其患即甦更服八珍湯加牡丹皮五味子調理月餘而安

一婦人小腹腫痛小便如淋診之脈緩而芤此得之行經時悞食生冷又兼惱怒肝火急驟瘀血而成內癰膿尚未成也以大黃湯下之瘀血出盡而安

一婦人小產瘀血未盡勞動之早小腹內外腫痛月餘大便秘燥小便澀滯口燥咽乾煩悶不睡內醫調理其病日重偶見問之予曰恐內癰也請視脫數實而有力此腸癰已成用薏苡仁湯加大黃一服下膿數碗脹痛順退外腫堅硬不散仍揪作痛此欲潰膿從外泄也以十全大補湯三服膿脹痛而針之更服八珍湯加牡丹皮五味子月餘而斂



婦人腹脹如鼓臍突寸許小水澁滯轉側腹有水聲此內膿已成
用針刺臍上突頂出膿盆許以牡丹皮散五六劑其膿漸少朝以
八味丸暮以八珍湯加澤瀉牡丹皮黃芪破故紙服之月餘而愈

腸癰主治方

大黃湯

大黃湯中用朴硝
加上桃仁水煎服

丹皮白芥不相饒
腸癰腹痛自然消

治腸癰小腹堅硬如掌而熱按之則痛肉色如故或焮赤微腫小

便頻數汗出憎寒脉緊實而有力白淺未成膿者宜服之

大黃剉 朴硝各一錢 牡丹皮 白芥子 桃仁去皮尖各二錢

水二鍾煎八分食前或空心溫服

活血散瘀湯

活血散瘀湯赤芍
瓜蒌枳殼桃仁等

芎歸蘇木與丹皮
栝榔加上大黃隨

治產後惡露不盡或經後瘀血作痛或暴急奔走或男子杖後於



血流注腸胃作痛漸成內癰及腹痛大便燥者並宜服之

川芎 歸尾 赤芍 蘇木 牡丹皮 枳殼

瓜蒌仁去殼 桃仁去皮尖 檳榔六分 大黃酒少

水二鍾煎八分空心服渣再煎服

牡丹皮散 丹皮散內用人參 甘草白芷芍歸等 薏苡茯苓共黃芪 桃仁官桂木香宜

治腸癰腹濡而痛以手重按則止或時時下膿

人參 牡丹皮 白芍 茯苓 黃芪 薏苡仁

桃仁 白芷 當歸 川芎各一分 甘草 官桂各五分

木香三分

水二鍾煎八分食前服

七賢散 七賢散內淮山藥 扶谷人參黃芪等 黃肉丹皮熟地黃 薑棗同煎埋內傷

治腸癰潰後疼痛淋瀝不已或精神減少飲食無味面色痿黃四



肢無力自汗盜汗睡臥不寧

茯苓

山藥

牡丹皮

山茱萸

熟地黃

人參

黃芪二錢

水二鍾煨薑三片大棗二枚煎八分食前服

失笑散

失笑散用五靈脂心腹諸疼併疝痛

加上蒲黃意所隨吞之即可笑嘻噫

治產後心腹絞痛欲死或血迷心竅不省人事及尋常腹內瘀血或積血作痛又婦人血氣為病作痛之聖藥也及治男子諸疝疼痛不已者

五靈脂

蒲黃俱炒等分

右為細末每服三錢醋一合調稠熬數滾入水一鍾煎七分食前

連藥服用醋為丸每服二錢煖醋湯下治前症亦妙

排膿散

排膿散內用黃芪銀花白芷瓜蒌等

白芷芍歸山甲煎防風煎服効神奇



治腸癰小腹脹痛脉滑數裏急後重時時下膿

黃芪

當歸

金銀花

白芷

川山甲

防風

川芎

瓜蒌名各一錢

水二鍾煎八分食前服或為末每服二三錢食遠蜜湯調下亦可

瓜蒌子湯

瓜蒌子湯慧苡仁產後惡露併瘀血

桃仁丹皮共此呈陽胃停來用此清

治產後惡露不盡或經後瘀血停滯腸胃作痛縱非是癰服之亦效

薏苡仁四錢桃仁

牡丹皮

瓜蒌仁

各一錢

水二鍾煎八分食前併空心服

薏苡仁湯

薏苡仁湯功效高桃仁加上瓜蒌子

腸癰腹痛最堪醫白芍丹皮一處隨

治腸癰腹中疼痛或脹滿不食小便澀滯婦人產後多有此病縱非癰服之尤效



蒼朮仁 瓜蒌仁各三錢

牡丹皮 桃仁去皮尖各二錢

白芍錢一

水二鍾煎八分空心服

應用方

八珍湯

十全大補湯

八味丸俱見潰瘍門

臟毒論第二十九

夫臟毒者醇酒厚味勤勞辛苦蘊毒流注肛門結成腫塊其病有內外之別虛實之殊發於外者多實多熱脉數有力肛門突腫大便秘結肚腹不寬小水不利甚者肛門肉泛如龜孔頭緊閉此為外發屬陽易治宜四順清涼飲內消沃雪湯通利大小二便痛甚者珍珠散人中白散搽之膿脹痛者針之發於內者屬陰虛溼熱滲入肛門內臟結腫刺痛如錐小便淋瀝大便虛秘咳嗽生痰脉數



虛細寒熱往來遇夜尤甚此爲內發屬陰難治宜四物湯加黃柏
知母天花粉甘草兼以六味地黃丸調治候內臟膿出則安又有
生平情性暴急縱食膏粱或兼補術蘊毒結於臟腑火熱流注
門結而爲腫其患痛連小腹肛門墜腫二便乖違或瀉或秘其門
內蝕串爛經絡汚水流通大孔無奈飲食不食作渴之甚凡犯此
未得見其有生又有虛勞久嗽痰火結腫肛門如粟者破必成漏
瀝盡氣血必亡此二症乃內傷之故非藥可療不可勉治也

臍毒看法

初起腫痛紅色光亮疼痛有時肛門不墜便和者易已成焮赤腫痛
發熱不渴小便不數展轉自便者順已潰膿稠色鮮不臭焮腫漸消
疼痛漸減能食者順潰後膿水漸止新肉易生不疼多癢瘡口易乾
者順初起堅硬漫腫內臟閉痛小便頻數大便秘結者險已成疼痛

日甚腫連小腹肛門閉緊下氣不通者重已潰臭水淋漓疼痛不減腫仍不消身熱唇焦者逆

臟毒治法

初起寒熱交作大便墜痛脉浮數者宜用輕劑解散已成內熱口乾大便秘結脉沉實而有力者當下之肛門腫痛常欲便而下墜作痛者導溼熱兼瀉邪火肛門焮腫疼痛小便澀滯小腹急脹者清肝利小便出膿腥臭疼痛不減身熱者養血健脾胃更兼溼溼膿水清稀脾胃虛弱不能收斂者滋腎氣急補脾胃

臟毒治驗

一男子肛門腫突紅紫痛甚以內消沃雪湯二服大便已通數次疼痛稍減外腫上以珍珠散清蜜調搽早晚一次其腫漸消更以涼血地黃湯服而痊愈



一婦人產後用力太過肛門墜腫疼苦之甚先以枳殼紫蘇煎湯薰洗後以珍珠散加冰片猪脊髓調搽內以四物湯加升麻蒼朮丹皮枳殼服之而消

一男子夏月好飲火酒熱毒流入肛門結腫堅硬形色紫黑墜痛便秘以黃連解毒湯加大黃枳殼二劑便通疼痛稍止又以四物湯合前湯數劑其腫漸消存堅腫粟大不散以臍連丸服至月餘而愈

一婦人肛門腫突堅硬痛極用攻利解毒藥俱不應以神燈照法照之早晚二次其疼方減以蟾酥錠磨濃塗之堅硬漸腐為膿仍服內消沃雪湯二劑便通疼苦減其大半又以四物湯加黃柏知母厚朴蒼朮外以珍珠散加冰片猪脊髓調搽月餘而平

男子素有痔便血常欲脫肛一朝肛門墜重不收腫痛突起光

亮紫色此溼熱流注結腫固難收入以黃連除溼湯一劑外用珍珠散加冰片清蜜調溼其腫痛漸減後以補中益氣湯加生地黃連蒼木花粉丹皮服之數劑其腫痛漸減而平

一監生素性急暴每縱膏梁因積毒流於大腸內如針刺外肛不腫常欲後重便則秘結診之脉空數而無力此真氣不足邪火有餘內臟虧損症也後必難痊辭不可治後請別醫用藥月餘肛門內腐敗水無禁復請視之予曰決不可療也脉來虛數邪勝正也手掌不澤脾氣敗也至夜發熱陰虛火旺敗水無禁幽門已壞面若塗脂元氣走散鼻如烟煤肺氣將絕口乾舌燥腎水已竭犯此豈有不死之理患者不服強用解毒滋陰藥餌不效而死

臟毒主治方

黃連除溼湯

黃連除溼湯芩朮
助風甘草硝黃等

蒼木背歸枳殼
膿毒懸癰此莫逃



治臟毒初起溼熱流注肛門結腫疼痛小水不利大便秘結身熱口乾脉數有力或裏急後重

黃連 黃芩 川芎 當歸 防風 蒼米

厚朴 枳殼 連翹各一錢 甘草五分 大黃 朴硝各錢

水二鍾煎八分空心服

涼血地黃湯

涼血地黃湯連步人參花粉茯苓草

山梔芍歸木地榆臟毒疼痛最相宜

治臟毒已成未成或腫不腫肛門疼痛大便墜重或泄或秘常時便血頭暈眼花腰膝無力者

川芎 當歸 白芍 生地 白朮 茯苓各一錢

黃連 地榆 人參 山梔 花粉 甘草各五分

水二鍾煎八分食前服

丙托黃芪散內托黃芪散芍歸角針白木檳榔等

川芎山甲共陳皮臟毒將成此藥醫



治臟毒已成紅色光亮已欲作膿不必內消宜服此藥潰膿

川芎 當歸 陳皮 白朮 黃芪 白芍

穿山甲 皂角針各一錢 檳榔三分 金鑑加肉桂五分

水二鍾煎八分食前服

黃連解毒湯見癰疽腫瘍門

治平生好飲縱食膏粱積熱流入大腸致肛門結成腫痛疼刺如

鎗堅硬如石宜服

金液戊土膏見癰疽門

治臟毒出於驕奢情性慣於急暴烈火倡狂思不如願水已枯竭火不發泄旺而又鬱鬱而又旺以致肛門結腫毒攻內臟痛如芒刺熾如火炕臭水淋漓生命難望宜服此藥免生惆悵也

珍珠散見下疳門



治肛門腫泛加箍紅紫急脹堅硬痛極本方加冰片研極細
髓調塗患上早晚日用二次

應用方

六味地黄丸見神癰門

神燈照法

補中益氣湯俱見潰瘍門

臟連丸見痔瘡門

四順清涼飲見湯發火燒門

蟾酥錠俱見腫瘍門

八中白散

內消沃雪湯

四物湯

珍珠散俱見于瘡門



潮熱夜間則

潮熱夜間則

潮熱夜間則

潮熱夜間則

潮熱夜間則

潮熱夜間則

潮熱夜間則



重訂外科正宗卷之八

痔瘡論第三十

夫痔者乃素積溼熱過食炙煇或因久坐而血脉下行又因七情而過傷生冷以及擔輕負重竭力遠行氣血縱橫經絡交錯又或酒色過度腸胃受傷以致濁氣瘀血流注肛門俱能發痔此患不論老幼男婦皆然蓋有生於肛門之內又突於肛外之傍治分內外各自隄防大者若蓮花蜂窠鰓花雞冠菱角珊瑚等狀小者如櫻珠鼠尾牛奶雞心核桃覬肉之形故積毒深者其形異而頑惡毒淺者其形正而平常久則崩潰成漏新則墜重刺疼甚者糞從孔出血從竅流氣血日有所傷形容漸有所削若不早治終至傷人因當治法多用針刀砭礪線壘等法患者受之苦楚聞此因循都不醫治予療此症藥味數品從火煨煉性即純和百試百驗此方

規



法由來異矣凡療內痔者先用通利藥湯滌臟腑然後用喚痔散塗入肛門片時內痔自然泛出卽用葱湯洗淨搽枯痔散早晨每晚每日三次次溫湯洗淨搽藥輕者七日重者十一日其痔自然枯黑乾硬停止枯藥其時痔邊裂縫流膿換用起痔湯日洗一次待痔落之後換搽生肌散或鳳雛膏等藥生肌斂口虛者兼服補藥其口半月自可完矣外痔者用消毒散煎洗隨用枯痔散照內痔搽法用之首尾至終無異完口百日入房乃吉又至於穿腸久漏者此則另有二方亦具於後以致深患者服之又不用針刀掛線効如拾芥耳

痔瘡看法

初起形如牛奶不腫不紅無焮無痛行走不覺者輕已成腫痛有時遇勞而發或軟或硬頭出黃水者輕久如雞冠蜂巢蓮花翻花等狀



流膿出血不止者重久漏竅通臀腿膿水淋漓疼痛不已竈後孔出者逆

痔瘡治法

初起及已成漸漸大而便澁作痛者宜潤燥及滋陰肛門下墜大便出血時或疼痛堅硬者宜清火慘淫紫色疼痛大便虛秘兼作癢者涼血祛風疎利溼熱腫痛堅硬後重墜刺便出難者外宜薰洗內當宣利內痔出血登廁脫肛而難上收者當健脾升舉中氣便前便後下血面色痿黃心忪耳鳴者宜養血健脾諸痔欲斷其根必須枯藥當完其竅必杜房勞乃愈

痔瘡治驗

一男子患痔六年每遇酒色勞役痔則發腫堅硬疼痛苦十餘日方得稍可彼欲斷其根以枯痔散敷上至七日外其痔漸黑裂縫至十



六日痔枯脫落孔若雞心以生肌散逐日用之內補養血健脾而愈

一男子患痔燼腫作痛大便結燥脉數有力以內疎黃連湯二服便行痛止又以四物湯加芩連枳殼花粉敷劑而腫消更以臟連丸

一料而不復發

一男子患痔凡遇勞發腫作痛以枳殼湯薰洗內服防風秦艽湯敷服腫痛俱減令彼常洗煎湯每日五六次內與六味地黃丸加黃

栢知母服之不發

一男子好飲多慾內痔虛墜下血以四物湯加芩連升麻葛根數服

虛墜乃止又以當歸郁李仁湯二劑痔腫亦消更服臟連丸月餘

便血亦止又月餘兼節酒色不發大抵醉飽入房經脉橫解或精

氣一泄脉絡必虛酒食之毒乘虛流結或淫極強固精氣以致敗



精濁血遂傳大腸又或飲食厚味燥溼流注俱成斯疾所受病者燥氣也為病者溼氣也初宜瀉火和血潤燥踈風久宜養血滋陰健脾滲溼治之自愈若不節酒色不慎起居不戒口味破必成漏久則穿腸串腎穢從孔出臭水淋漓晝夜無禁凡得此者雖不傷生每苦瘡污可歎息哉

一男子患痔十餘年頭已穿潰未及通腸每發疼苦以三品一條鎗插至七日痔變黑色瘡邊漸漸裂縫至十五日脫落以鳳雛膏搽至半月日斂而平

一男子怯弱內痔便血面色痿黃自服涼血止血藥不應診之脾脈虛而無力此中氣不足不能統血以補中益氣湯十餘服精神頓倍便血亦止又以加味四君子湯兼前湯問服月餘不發大抵此症所致之由不同當究其因治之如元氣有餘形黑氣盛先糞而



後紫血者更兼脉實有力此屬有餘法當涼血止血藥應自效至若形體瘦弱面色痿黃先鮮血而後糞者更兼脉虛無力此屬不足豈可純用涼藥止之致傷脾胃此症若不溫中健脾升舉中氣其血不得歸原故藥難效遠其根本也

痔瘡主治方

防風秦芫湯

防風秦芫湯歸地連翹山梔併枳殼

芫芫草芥檳地榆白芷蒼木槐角茸

治痔瘡不論新久肛門便血墜重作疼者並效

防風

秦芫

當歸

川芎

生地

白芍

赤茯苓

連翹

各一錢

檳榔

甘草

梔子

地榆

枳殼

槐角

白芷

蒼木

各六分

水二鍾煎八分食前服便秘者加大黃二錢

提肛散

提肛散內用芫芫并柴岑連併白芷

參米芫草與陳皮元虛脫肛御除之



治氣虛肛門下墜及脫肛便血脾胃虛弱等症

川芎

歸身

白朮

人參

黃芪

陳皮

甘草

錢各一

升麻

柴胡

條芩

黃連

白芷

水二鍾煎八分食遠服

加味四君子湯

加味四君子湯尤黃芪甘草姜棗等

茯苓扁豆與人參痔瘡脾倦效通靈

治痔瘡痔漏下血不止面色痿黃心忪耳鳴脚弱氣乏及一切脾虛口淡食不知味又治中氣虛不能攝血致使血不禁者並效

人參

白朮

茯苓

白扁豆

黃芪

甘草

錢各一

水二鍾薑一片棗二枚煎八分食前服

當歸郁李湯

當歸郁李湯生地麻仁枳實併蒼朮

大黃澤瀉其秦芫皂角相兼功莫逃

治痔大便結燥大腸下墜出血苦痛不能忍者

當歸

郁李仁

澤瀉

生地

大黃



蒼朮

秦艽

火麻仁

皂角

水二鍾煎八分空心服

芎歸湯

芎歸湯內用芎歸婦人產後虛煩熱

失血虛羸功不斲煎嘗頃刻效堪推

治便血或失血過多兼婦人產後血虛煩熱頭眩昏暈盜汗等症

並效

川芎

當歸

水二鍾煎八分食前服自汗手足冷者加人參二錢

三黃二地湯

三黃二地湯兼蒼朮人參防風甘草

厚朴陳皮白木地榆澤瀉共烏梅

治腸風諸痔便血不止及面色痿黃四肢無力

生地

熟地

厚朴

陳皮

黃連

黃栢

黃芩

歸身

白朮

人參

甘草

防風

澤瀉

地榆

烏梅



水二鍾煎八分食前服

粟殼散

粟殼散內用歸芪參苓厚朴陳皮

二地升蒼黃栢宜荷蒂秦芫地骨皮

治諸痔作疼及腸風下血諸藥不止者宜服之

粟殼溫湯泡去內穢切絲密水拌炒去箒二錢

當歸

陳皮

秦芫

黃芪

生地

熟地各一錢

黃栢

黃芩

人參

蒼朮

厚朴

升麻各六分

荷葉蒂七個

甘草五分

地骨皮一錢二分

水二鍾煎八分食前服或為細末每服二錢空心溫酒調服

洗痔枳殼湯

洗痔枳殼湯用此煎湯洗痔瘡

癩蝦蟆草相成其諸般疹苦隨時送

治痔瘡腫痛肛門下墜再論新久洗之腫自消

枳殼二兩

癩蝦蟆草

一名荔枝草四季常有面青背白麻紋壘壘者是二兩

河水三瓢同上二味煎數滾先薰後洗良久湯留再熱薰洗甚者



三次即消洗淨當擦後藥

五倍子散

五倍子散蝦蟇草痔瘡腫痛及啞生瘡

加上輕粉水片好
用之搽上如同掃

治諸痔舉發堅硬疼痛難忍或壓毒肛門泛出腫硬不收亦劫五

倍子大者敲一小孔用陰乾癩蝦蟇草揉碎填塞五倍子內用紙

塞孔溼紙包煨片時許取出待冷去紙碾為細末每有一錢加輕

粉三錢冰片五釐共研極細待前湯洗後用此乾搽痔上即睡勿

動其腫痛即除凡外痔用二方搽洗亦可除根永不復發極效極

效

田螺水

田螺水治痔瘡
脫肛諸痔終難愈

水片加之効
將來一掃効如神

治痔瘡堅硬作痛及脫肛腫泛不收者並用之以大田螺一枚用

大冰片五釐研末用尖刀挑起螺蓋將水片入內平放片時待螺

滲出漿水用雞翎蘸搽患上勤勤掃之其腫痛自然消散

喚痔散

喚痔散用刺蝟皮
栝礬冰片同研末

卓鳥鹽麝搽如泥
津唾調搽痔出變

凡醫內痔不得出用此藥填入肛門其痔即出

草烏 生用一錢
刺蝟皮一錢燒存性

栝礬 錢五

食鹽 炒三錢

麝香

冰片 二分

右碾細末先用溫湯洗淨肛門隨用津唾調藥三錢填入肛門片

時痔即當出去藥上護痔膏

護痔膏

護痔膏中用石膏
還加白芨同為末

黃連水片麝香錢
雞蛋清調功莫逃

用喚痔散痔出之後先用此藥圍護四邊好肉

白芨

石膏

黃連 各三錢

水片

麝香 各分

共研細末雞蛋清調成膏護在四邊好肉方上枯痔散

枯痔散

枯痔散內用白礬
再加童子天靈蓋

蟾酥輕粉白礬
枯痔方中効豈凡

凡痔瘡泛出即用此藥塗之年淺者五七日年深者八九日待痔



乾黑後不用此藥每日用落痔湯洗之

白礬兩 蟾酥二錢 輕粉二錢 砒霜一兩

天靈蓋四錢 用清泉水浸以天靈蓋蓋煨紅水內浸煨七次

共研極細末人小新鐵鍋內上用龕磁碗密蓋隨泥封固炭火煨至二炷京香待冷取開將藥研末搽痔上每日辰午申三時用溫湯洗淨上藥三次上至七八日其痔枯黑堅硬住藥裂縫待其白

落換洗起痔湯

起痔湯

起痔湯中芥栢連防風甘草山梅等

大黃荆芥苦參全朴硝槐角共相煎

治諸痔上枯藥之後黑色堅硬裂縫宜此藥洗

黃連 黃栢 黃芩 大黃 防風 荆芥

梔子 槐角 苦參 甘草各一兩 朴硝五錢

已上藥分作三次用水煎洗待痔落之後換藥生肌散



胆

生肌散

生肌散乳香沒藥
赤石脂輕粉熊膽

海螵蛸龍骨黃丹
珍珠竭冰片須參

治痔上枯藥之後脫落孔竅不收者宜用此摻

乳香

沒藥 各一兩

海螵蛸 小煮 五錢

黃丹 飛炒 四錢

赤石脂 煨七錢

龍骨 煨三錢

血竭 三錢

熊膽 四錢

輕粉 錢

水片 一錢

麝香 八錢

珍珠 煨二錢

共研極細末磁罐收貯早晚日搽二次蓋膏漸斂而平

洗痔腫痛方

洗痔腫痛方朴硝
還有花馬齒莧

魚腥苦棟不相餅
煎湯薰洗痔疼消

魚腥草

苦棟根

朴硝

馬齒莧

瓦松花 各兩

水十碗煎七八碗先薰後洗諸痔腫痛可消

人中白散 見牙疳門

治諸痔腫痛堅硬墜重脫肛等症先用溫湯洗淨隨後搽藥患上

即臥勿動其腫痛漸減此藥常有便於痔故附錄而用之



三品一條鎗見瘰癧門

治十八種痔漏凡用藥線插人痔孔內早晚二次初時每次插藥三條四日後每次插藥五六條上至七八日藥力滿足痔變紫黑方住插藥候痔四邊裂縫流膿至十四日期滿痔落用甘草湯洗淨換擦鳳雛膏或玉紅膏俱可生肌收斂虛弱者兼服養血健脾之藥最為穩當大抵醫人能取痔者皆此方也不可輕其藥而棄之

生肌鳳雛膏生肌雞卵鳳雛膏血竭同熬傾入盞

輕粉乳香龍骨調雞毛塗患發生苗

用雞蛋煮熟去白用黃十餘個銅杓內熬油傾入盞內約油三錢加輕粉細末一錢乳香血竭龍骨各末五分共入油內和勻每日

早午晚雞翎塗患孔內膏蓋避風深者半月可以完口

煮線方

煮線方中用壁錢白絲扣線投湯內

芫花二味共相煎諸痔癭瘤用此煎

治諸痔及五癭六瘤凡蒂小而頭面大者宜用此線繫其患根自效

莞花錢五 壁錢錢二

用白色細扣線三錢同上二味用水一碗盛貯小磁罐內慢火煮至湯乾為度取線陰乾凡遇前患用線一根患大者二根雙扣繫于根蒂兩頭留線日漸緊之其患自然紫黑冰冷不熱為度輕者七日重者十五日後必枯落後用珍珠散收口至妙

臟連丸

臟連丸本是黃連同搗為丸溫酒服

猪臟將來攪煮煎敢教諸痔不纏綿

治痔無論新久但舉發便血作痛肛門墜重者黃連淨末八兩用公猪大臟盡頭一段長一尺二寸溫湯洗淨將連末灌入臍內兩頭以線扎緊用生酒二斤半砂鍋內者酒將乾為度取起臍藥共搗如泥如藥爛再晒一時許復搗丸如桐子大每服七十九空心



溫酒送下久服除根

胡連追毒丸

胡連追毒丸來異麝香刺蝟皮丸服

痔漏通腸效罕稀排盡瘡膿換好肌

治痔漏不拘遠年近日有漏通腸汚從孔出者先用此丸追毒

毒服後丸藥自然取效最穩

胡黃連

一兩切片姜汁拌炒

刺蝟皮

二兩炭切片再炒黃為末

麝香

二分

軟飯為丸麻子大每服一錢食前酒下服藥後膿水反多是藥力

到也勿懼之

黃連閉管丸

胡連閉管丸窺易決明出用槐花等

得此之功難上難服下憂容換笑顏

胡黃連

淨末一兩

穿山甲

麻油內者黃色

石決明

煨

槐花

微炒各末五錢

煉蜜丸如麻子大每服一錢空心清米湯送下早晚日進二服至重者四十日而愈此方不用針刀挂線不受苦楚誠起痼疾之良



方也如漏之四邊有硬肉突起者加蚕繭二十個炒末和入藥中
此及遍身諸漏皆效

痔瘡應用方

內疎黃連湯見腫湯門

補中益氣湯

四物湯俱見潰瘍門

六味地黃丸見肺癰門

下疳論第三十一

下疳者邪淫慾火鬱滯而成其來有三一由男子慾念萌動陽物與
舉淫火猖狂而未經發泄者以致敗精濁血流滯中途結而為腫
者一也二由婦人陰器癢精濁氣未淨接與交媾以致淫精傳襲
而生者二也三由房術熱藥塗抹玉莖洗擦陰器與助陽火煽動
陰精饒倖不衰久頓不泄多致火鬱未發而成者三也男子萌念
火鬱之症初起先必澁淋小便溺痛次流黃濁敗精陽物漸損甚



則腫痛腐爛法當疎利肝腎邪火如八正散清肝導滯湯之類是也婦人陰器不潔初起先從皮腫光亮甚如水晶皮破流水腫毒日生癢麻時發治當解毒消風如龍膽瀉肝湯兼平胃散合而用之男婦房術所傷蘊毒所致初起陽物癢痛堅硬紫色疙瘩漸生腐爛漸作血水淋漓不時與舉治當瀉火解毒如黃連解毒湯蘆薈丸之類是也外以銀粉散珍珠散人中白散選用又有先發時審慎用薰條擦藥結毒於此者詳註結毒門不在此類推之

下疳看法

初起不紅不腫睡不舉陽玉莖微損小水自利者輕已成微熱微腫皮色光亮小便赤色更兼白濁者平已損肉色紅活炊無堅腫小便不疼大便不秘者可初起小便淋漓次損陽物堅硬作疼腐爛漸開者險已成腐潰內攻傷損玉莖色紫無膿疼如針刺者重

下疳治法

初起腫痛發熱小水澀滯肝經溼熱也宜瀉肝滲濕腫痛堅硬燥發寒熱口燥咽乾大便秘者通利二便玉莖腫痛小便如淋自汗盜汗時或尿血清心滋腎莖竅作癢時出白濁發熱口乾津液少者益腎清心潰後腫痛小便赤澀日則安靜夜則疼甚滋陰瀉火潰爛不已腫硬又作疼痛日深穢氣不回清肝解毒

下疳治驗

一童子十五歲玉莖腫痛外皮浮腫比常龜大一倍他醫治之以解毒清肝等藥愈腫愈痛予視之亦用瀉火清熱滲溼等劑俱不見效診之脉細數而無力此中氣不足脾經溼水乘虛流注停聚不散當行從治法也以四物湯合平胃散加木香熟附子人參各五分一服腫痛頓退又四五服而全消

一男子腫痛發寒熱以荆防敗毒散二服而退又以龍膽瀉肝湯腫痛亦減用四物加黃栢知母而消

一男子年四十色慾過度小便澁痛出如白漿結凍成塊此腎傷濕熱爲患朝以八味丸午用八珍湯加山萸牡丹皮黃栢知母服之月餘而澁腫亦退小便漸清但竅中常有滑精不時滲出久致腰彎腳膝無力偶以三因勝駿丸服至月餘前症悉愈

一男子莖頭腐爛小水澁痛外以珍珠散內服木通湯四服澁痛亦止更服四物湯加黃栢花粉而痊

一男子初婚玉莖傷損出血疼甚先以葱湯浸洗良久隨用珍珠散加冰片摻之腐皮漸乾痛亦漸止內服四物湯加木通山梔四服其腫痛漸止而愈

一男子皮腫光亮發熱甚外敷如意金黃散內服龍膽瀉肝湯加

大黃便痛稍愈去大黃又服而消

下疳王治方

清肝導滯湯

清肝導滯湯瞿麥
大便秘結加大黃

滑石甘草併扁蓄
燈心為引空心服

治肝經溼熱玉莖腫痛小水澹滯作疼者服之

扁蓄

四錢

瞿麥

一錢

滑石

二錢

甘草

一錢

水二鍾燈心二十根煎八分空心服

龍膽瀉肝湯

龍膽瀉肝湯地黃
翹草芩梔歸尾等

車前澤瀉木通
溼用黃連秘大黃

治肝經溼熱玉莖患瘡或便毒懸癰小便赤澁或久潰爛不愈又

治陰囊腫痛紅熱甚者並效

龍膽草

連翹

生地黃

澤瀉

各一錢

車前子

木通

歸尾

山梔

甘草

黃連

黃芩

各五分

大黃

一錢便
秘加



水二鍾煎八分食前服

清肝滲溼湯

清肝滲溼二木功
山梔澤瀉川芎等

荅朴昆陳粉木通
木香甘草當歸同

治陰囊五莖濕腫如猪肚小水不利墜重作痛

蒼朮

白朮

茯苓

山梔

厚朴

澤瀉

陳皮

木通

天花粉

昆布各一錢

甘草五分

木香三分

川芎

當歸各六分

作熱紅色加黃連龍膽草各七分

水二鍾煎八分空心服

清心蓮子飲

清心蓮子飲黃芪
黃芩甘草併澤瀉

赤茯人參地骨皮
麥冬加上效堪宜

治心經蘊熱小便赤澀玉莖腫痛或莖竅作疼及上盛下虛心火

炎上口苦咽乾煩躁作渴治虛陽口乾小便白濁夜則安靜晝則

發熱者

石蓮肉

黃芪

黃芩

赤茯苓

人參各一錢炙甘草



澤瀉 麥門冬 地骨皮

各五分

亦方加柴胡黃芪車前子

水二鍾煎八分空心併食前服

八正散

八正散中用木通 偏蓄山梔併滑石

車前瞿麥大黃同 加之甘草效無窮

治肝經積熱小便淋閉不通及一切淋病俱效

大黃

車前子

瞿麥

扁蓄

山梔

木通

甘草

各一錢

滑石

二錢

水二鍾煎八分食前服

解毒木通湯

解毒木通湯栝連 瞿麥滑石知母草

瞻草山梔蘆薈金 還用燈心作引煎

治男婦房術熱藥所傷致玉莖陰戶癢痛小便澁滯白濁滑精至夜陽物興舉不得眠者服之

木通

黃連

龍膽草

瞿麥

滑石

山梔

黃栢

知母

蘆薈

甘草

各五分



水二鍾燈心二十根煎八分食前服

蘆薈丸

蘆薈膏凡中用二連
青皮麝木香同等

燕黃鶴風共雷丸
餅糊丸服病安痊

治下疳潰爛作痛又治婦人陰蝕瘡作癢及小兒肝積發熱口鼻生瘡牙齦蝕爛等症

胡黃連

黃連

蘆薈

白蕪荑

青皮

白雷丸

鶴虱草各一兩

麝香一錢

木香三錢

右為末蒸餅糊丸如麻子大每服一錢空心清米湯送下

銀粉散

銀粉散效真罕稀
輕粉水銀併煨粉

錫炒硃砂效不微
能療結毒陽物糜

治下疳毋論新久但腐爛作痛及楊梅瘡毒後結毒玉莖腐爛或

陽物半傷半全者並宜用之好錫六錢化開下硃砂末二錢攪炒

砂枯去砂留錫再化開投水銀一兩和勻傾出聽用杭粉一兩研

細鋪夾紙乎山上捲成一條一頭點火煨至紙盡為度吹去灰用



粉同煎末錫加真輕粉一兩共成一家研細凡遇前患先用甘草

湯淋洗搥乾隨用此藥搽上止痛生肌收斂極妙

珍珠散

珍珠散效實甚論諸腫諸瘡諸痛症

輕粉還兼缸子花用之一搽自無疔

治下疳皮損腐爛痛極難忍及諸瘡新肉已滿不能生皮又湯

火燒皮損肉爛疼扇不止者

青缸花

五分如無用頭月靛花輕處色翠者代之終不及缸花為妙

珍珠

一錢不論大小以新白為上人豆腐內煮數滾研為極細無聲方用

真輕粉一兩

右三味共研干轉細如飛麵方入確收凡下疳初起皮損搽之即

愈腐爛疼痛者甘草湯洗淨猪春髓調搽如諸瘡不生皮者用此

乾搽即可生皮又婦人陰蝕瘡或新嫁內傷痛甚者亦可此搽極

效湯潑火燒痛甚者用玉紅膏調搽之

疔瘡簡便方



用油透羅緞舊帽沿燒灰杭粉瓦上煨黃色各等分共研極細磁
確收貯先用紅棗十五個甘草三錢煎湯溫洗患上搥乾擦藥即
效

太乙膏 見腫瘍門

治玉莖皮損疼痛不止者用此貼之其疼即止

應用方

四物湯

八味丸

八珍湯 俱見瘡瘍門

三因勝駿丸 見附骨疽門

魚口便毒論第三十二

夫魚便者左為魚口右為便毒總皆精血交錯生於兩脰合縫之間
結腫是也近之生於小腹之下陰毛之傍結腫名曰橫痃又名外
疔是也得之入房忍精強固不洩或慾念已萌停而不遂以致精



血走動凝滯結而爲腫治當散滯行瘀通利大小二便九龍丹山
甲內消散是也七日已後服之根本堅固恐其作膿宜用火針法
刺之亦妙已出膿者十全大補湯服之庶易收斂遲則恐生別症
難愈

魚口便毒看法

初起結腫不紅微熱行走稍便無寒熱發作者爲輕已成紅赤腫痛
發熱焮疼舉動艱辛至夜尤甚者易已潰膿稠肉色紅活腫消痛止
新肉易生作癢者順初起結腫堅硬如石牽強刺疼起坐不便寒熱
者重已潰腐爛腫痛不減膿水清稀孔深口大不斂者險

魚口便毒治法

初起漫漫結腫疼痛兩胯牽強身發寒熱宜散表邪已成堅硬發熱
疼痛肉熱口乾大小便秘宜通利之發散疎利之後腫痛仍作欲作

夕和正完 卷之八
膿宜用托裏消毒焮腫發熱疼痛日久急脹若甚內膿已成宜急開
之已潰之後膿水不乾新肉生遲不斂健脾胃補氣血

魚口便毒治驗

一男子左胯腫痛身發寒熱脉弦而數以人參敗毒散一劑表症悉
退次以山甲內消散二劑而痊

一男子橫痃腫痛堅硬二便澀滯以五龍丹一服通利大便腫痛稍
減間日又用一服二便通利而消

一男子患此十餘日形勢已成腫痛日甚因公事急出不能行走以
火針法針之出紫血鍾許外用膏貼拔出微膿服托裏消毒散而
便可行亦且速愈

一男子潰而口大不斂此先泄藥之過也以十全大補湯加澤瀉丹
皮十餘劑外搽玉紅膏月餘而斂

一男子先出疔瘡久之不愈後發橫痃十餘日始生腫痛予欲托裏
潰膿以泄毒氣彼欲內消自服槐花酒蜈蚣全蝎等藥腫未得消
元氣已損轉致筋骨疼痛舉動艱辛仍復請治形體瘦弱脉虛而
數此真氣受傷邪氣從之雖當補養後必欲發時瘡方愈彼不爲
信自仍服敗毒消風等藥元氣愈虛飲食不進筋骨疼甚徹夜不
睡又復請治先用補中益氣湯倍參芪六服元氣稍醒又以八珍
湯加麥冬五味遠志棗仁丹皮十餘服夜間方睡惟疼痛不能大
減此內虛瘡毒下陷故難取効朝以六味丸午服十全大補湯又
十餘服遍身方發紅點此瘡毒欲出仍服前藥紅點漸高始成瘡
樣彼時瘡毒一出疼痛頓減元氣漸復更服八珍湯加米仁銀花
土茯苓服至半年其瘡方得漸漸而痊彼悔執方治病之尤始信
因病用方之妙

魚口便毒主治方

山甲內消散

山甲內消散大黃木鱉牽牛同協九

加上姜垂甘草當魚口便毒自無效

治魚口便毒騎馬癰橫疔等症初起未成膿者

當歸稍

甘草節

大黃

各三錢

穿山甲

炒三片

姜垂

黑牽牛

各一錢

土木鱉

三個

水酒各一碗煎八分空心服渣再煎服大便行三四次方喫稀粥

淡味飲食為妙

九龍丹

九龍丹藥真堪羨木香巴豆等分同

血竭兒茶乳沒煉魚便橫疔立消見

治魚口便毒騎馬癰橫疔初起未成膿者服之

兒茶

血竭

乳香

沒藥

巴荳

不去油

木香

右各等分為末生蜜調成一塊磁盒盛之

旋丸寒豆大每服九丸空心熱酒一杯送下行四五次方喫稀粥



腫甚者間日再用一服自消

紅花散瘀湯

紅花散瘀湯蘇木歸尾大黃角針等

翹貝姜蚕乳決明牽牛山甲酒煎行

治入房忍精強固不泄以致瘀精濁血凝結兩腹或小腹之傍結

成腫痛小水澀滯者並服之

當歸尾

皂角針

紅花

蘇木

姜蚕

連翹

石決明

穿山甲

乳香

土貝

各錢

大黃

三錢

牽牛

二錢

水酒各一碗煎八分空心服行五六次方喫稀粥補之

黃芪內托散

黃芪內托散芍歸花粉角針與甘草

白木銀花澤瀉隨魚口便毒此能醫

治魚口便毒橫痃等症已成不得內消者服之

川芎

當歸

黃芪

各錢

白木

金銀花

天花粉

皂角針

各二錢

甘草

澤瀉

各五分

水二鍾煎八分食前服



玉紅膏 見瘡瘍門

治魚口便毒橫痃腐潰口不合者用此搽之効

火針法

火針之法由來異將針一點破皮囊

勝如服藥能奇治腫清痛止隨遊戲

治魚口便毒橫痃等症用行藥不得內消者用篋線針二條將竹筋一頭劈開將針離分半許夾在筋頭內以線扎緊用桐油燈蓋內貯之燈草五根排入油內點著用針蘸油燒紅向患頂重手刺八五六分隨出或血或膿以膏蓋貼即得輕便以後漸愈虛者兼服十全大補湯完功

應用方

托裏消毒散 見腫瘍門

十全大補湯

補中益氣湯

八珍湯 俱見瘡瘍門

六味地黃丸 見肺癰門

囊癰論第三十三



夫囊癰者乃陰虛溼熱流注於囊結而為腫至潰後畢丸懸挂者猶
不傷人以其毒從外發治當補陰清利溼熱取效者十有八九近
時人悞用疝家熱藥多致熱甚為膿慮難收斂初宜龍膽瀉肝湯
稍久滋陰內托散外敷如意金黃散俱可內消又一種水疝皮色
光亮無熱無紅腫痛有時內有聚水宜用針從便處引去水氣則
安如腫痛日久內膿已成脹痛者可即針之內服十全大補湯加
山茱萸牡丹皮澤瀉治之間以六味地黃丸服之亦愈

囊癰看法

初起不紅微腫腎子引痛不作寒熱起坐自便者輕已成紅腫發熱
形色光亮疼痛有時飲食有味者順已潰膿稠腫消痛止新肉漸生
不痛作癢收斂者吉潰後腐爛囊皮脫落甚者畢丸突出能食不痛
者可初起堅硬紫色日夜痛甚小便不利大便秘泄者重已成堅而



不潰頭腐無膿疼痛無時常流血水者重潰後膿口開張腫痛不減
身發寒熱睡臥不寧者重

囊癰治法

初起寒熱交作腎子腫痛疼連小腹者宜發散寒邪已成紅腫發熱
口乾燥痛小水不利大便秘者利之已潰疼痛不減膿水清稀朝寒
暮熱者宜滋陰內托潰後不能收斂日晡發熱飲食減少者宜養血
健脾潰後舉丸懸挂不能收斂者當外用生肌內加補托

囊癰治法

一男子風寒未經發散寒中腎囊作腫痛甚以萬靈丹一服洗浴發
汗寒邪頓退又以四物湯加澤瀉蒼朮山梔天花粉外敷如意金
黃散數次而痊愈

一男子囊腫甚大不熱脹疼按之軟而即起此濕水流注聚而不散

以披針導去黃水碗許以導水消腎丸服月餘而腫消又以木香補腎丸服之不發

一男子患此十餘日腫甚脹痛內膿已成針之出膿碗許以十全大補湯加澤瀉丹皮十餘劑而收斂

一老年人素有疝氣因怒傷肝舉發疼痛自服盤菴散熱藥腫痛益甚視之腎囊半邊堅硬皮損紫黑此欲腐爛見聖丸候也彼不爲信尚欲內消請別醫治之內服龍膽瀉肝湯外敷四黃散寒涼等藥堅硬果腐飲食少進虛熱不睡痛甚昏憤又復請治予曰凡病有主未治有權宜初起以藥治疝非疝也凡疝爲患小腹作疼牽引腎子多寒少熱好飲熱湯此症乃惱怒傷肝陰虛溼熱爲患其囊紅腫發熱小便赤澀內熱口乾墜重作痛此爲囊癰之候初宜清利溼熱而反用疝家熱藥已成宜用補陰况又用瀉肝涼劑此



年老氣血有虧攻補機關已悞其疾豈有不致危亡者即當養氣血固根本為主而佐以安神定痛之藥接補元氣死生在進退之間尚可轉也隨以八珍湯加麥冬五味子遠志丹皮外以甘草湯淋洗腐上將已壞黑肉盡行剪落其罌丸已露數日後其患得補力前症漸退飲食漸進外腐已盡腎子已突大半搽玉紅膏外以膏蓋長肌漸收調理半年外而得始安

一男子腫痛十餘日堅硬無膿囊頭腫上紫色作爛此欲外腐以蟾酥錠為末糝上膏蓋三日腐肉脫下搽玉紅膏太乙膏掩之內服

補陰滋腎藥而安

一男子慾後受寒致陰囊牽引小腹作痛惡寒發熱診之脉緊數而無力以五積散一服寒熱乃退痛亦稍止更以八珍湯加肉桂丹皮澤瀉數服而愈

囊癰主治方

清肝滲溼湯

清肝滲溼湯歸地
山梔胆草天花粉

芍芍柴通澤瀉
燈心甘草効如神

治囊癰肝經溼熱結腫小水不利發熱熯痛者

川芎

當歸

白芍

生地

柴胡

龍膽草

山梔

天花粉

黃芩

各一錢

澤瀉

木通

甘草

各五分

水二鍾燈心二十根煎八分食前服

滋陰內托散

滋陰內托散芍歸
角針澤瀉併山

白芍還兼熟地芪
囊癰日久服相宜

治囊癰已成腫痛發熱服之有膿即可穿潰

當歸

川芎

白芍

熟地

黃芪

各一錢

皂角針

澤瀉

穿山甲

各五分

水二鍾煎八分食前服

導水消腎丸

導水消腎丸功捷
更如肉桂老米等

茅朮牽牛與木通
打糊丸成建大功



治囊癰內傷生冷外受風寒以致寒溼侵入囊中者如升大者

若斗皮膚頑厚腸物短縮小水不利不痛多冷俗稱沙店是也

服此藥引導水氣日久漸消終身不為廢疾也此方常驗

茅山蒼朮 一斤米泔水浸切片炒黃

木通半斤 肉桂一兩刮去粗皮

牽牛 二兩 微炒 木香 兩

共為細末陳米粉打糊丸如桐子大每服百丸空心白滾湯清米

湯任下忌生冷麵食此囊雖夏月炎天亦以衣被覆之為妙

灸偏墜法 偏墜灸法最多 木腎盡頭為灸穴

晴日將來保臥身安來七壯自然平

候取天晴不犯人神日患者平身仰臥取木腎子根下硬根盡處

以墨點記用安豆大艾炷三年之內灸七壯年久者灸九壯十一

壯為止內服木香補腎丸戒食生冷兼忌房事百日為妙

木香補腎丸 本香補腎丸精製 丁香 茴香 枸杞 戟

棗 藤 蛇 蕊 兎 志 歸 人 參 青 鹽 杜 仲 櫻



治偏墜一名大腎不疼不癢漸漸而大最為頑疾有妨行動多致不便但灸後宜服此藥俱可內消此藥功效不獨治疝中年後宜服之益壽延年黑髮壯筋填髓明目聰耳補腎助元陽調飲食其功不可盡述婦人服之顏如童女肌膚瑩潔如玉又精寒血冷久無嗣息者服之更妙

淮慶生地四兩酒煮搗膏 兔絲子 肉蓯蓉 黃精 黑棗肉

牛膝 蛇床子微炒 茯苓 遠志各一兩二錢

當歸身二兩四錢 丁香五錢 大茴香 木香各六錢

枸杞子一兩五錢 巴戟 杜仲各一兩 青鹽五錢 人參五錢

右為細末煉蜜丸如梧桐子大每服六七十丸空心溫酒送下又諸疝不常舉發者服之亦宜

如意金黃散見腫瘍門

治囊癰初起紅赤腫痛發熱墜重者用葱湯同蜜調敷
紅甚者溫茶湯同蜜調敷妙

應用方

萬靈丹

蟾酥錠

太乙膏

玉紅膏

俱見腫瘍門

十全大補湯

四物湯

俱見潰瘍門

五積散

見附骨疔門

龍膽瀉肝湯

見下疔門

懸癰論第三十四

夫懸癰者乃三陰虧損溼熱結聚而成此穴在於穀道之前陰器之後又謂海底穴也初生狀如蓮子少癢多痛日久漸如桃李赤腫焮痛欲潰為膿破後輕則成漏重則癰盡氣血變為癆瘵不起者多矣初起時元氣壯實宜用九龍丹瀉去病根稍虛者內消沃雪湯利去溼熱亦有可消者十中三四如十餘日後腫勢已成不得



內消宜托裏消毒散加山甲皂角刺服之自破如腫高光亮膿熟
不破頭者用針急破之穢膿一出其患易安如膿出之後朝以
味地黄丸午以十全大補湯加牡丹皮澤瀉溫補滋陰又有厚味
膏粱氣體壯實者初服龍膽瀉肝湯潰服滋陰八物湯以清熱
體瘦房勞氣血虛弱者初服八珍湯加澤瀉炙甘草潰後十全大
補湯加牡丹皮熟附子脾弱者補中益氣湯以滋化源日久成漏
者國老膏化湯吞服蠟礬丸首尾悞服寒涼損胃傷脾冰凝氣血
以致患孔漸開穢膿不止者亦定變成虛羸癆瘵終為難愈

懸癰看法

初起如松子漸大若梅李紅赤腫痛光亮發熱者輕已成高腫作痛
根腳不散皮薄易破膿成脹痛者易已潰膿稠而黃氣味不臭焮腫
身消痛止作癢者順初起色紫堅硬根腳漫腫痛連脛膝二便不利

者重已成腫如黃瓜紫斑腐爛穢水無膿痛甚氣息者難已潰穢膿不絕瘡口開張肉不紅活虛熱食少者逆

懸癰治法

初起寒熱如瘧喜覆衣被口乾好飲熱湯宜當發散已成焮熱作痛內熱口乾喜冷大便秘澀者微利之日久內膿已成不破頭面脹痛者急針之法當補托潰後膿水清稀虛熱不退腫痛不消者宜滋陰健脾瘡口不斂飲食減少餘腫不消新肉不生咳補脾胃

懸癰治驗

一男子結腫四日作癢微痛以九龍丹一服利五六次其腫漸消又以四物湯加花粉黃栢知母而愈

一男子患此十餘日焮腫作痛至晚發熱尤甚又兼小水不利以龍膽瀉肝湯二服小水稍通微痛不止此欲作膿以托裏消毒散加

穿山甲皂角刺澤瀉二服而膿出又以十全大補湯服之月餘而斂

一男子患此腫甚脹痛此內膿已成即針之出臭膿碗許疼痛頓減以十全大補湯十餘服而飲食漸進痲痛亦消惟瘡口原潰之甚不易完合間用炙甘草吞蠟礬丸外以附子餅灸之調理三月而愈

一男子素有痰火久服降下之藥致此結腫疼痛脉細而數此陰虛溼熱流注而成潰後必難收斂辭不治後果出臭膿不禁日漸開大發熱不止飲食不進強以溫中健脾補托氣血藥終至不應而歿

懸癰主治

滋陰八物湯

滋陰八物湯生地
甘草川芎澤瀉等

赤芍丹皮花粉歸
燈心為引効堪推



治懸癰初起狀如蓮子紅赤漸腫悠悠作痛者

川芎 當歸 赤芍 生地 牡丹皮 天花粉

甘草節各一錢 澤瀉五分 大黃便秘加一錢蜜炒

水二鍾燈心二十根煎八分食前服

炙粉草膏炙粉草膏藥二般製度熬膏好酒服 當歸甘草効常堪懸癰腫痛盡成癩

治懸癰已成服藥不得內消者服之未成者即消已成者即潰既

潰者即斂此治懸癰良藥也大粉草四兩用長流水浸透炭火上

炙乾再浸再炙如此三度切片甘草三兩當歸身三兩水三碗慢

火煎至稠膏去渣再煎稠厚為度每日三錢無灰好熟酒一大杯

化膏空心服之最妙

還元保真湯還元保真湯四物 參苓丹皮併白朮 附子肉桂澤瀉不

治懸癰已潰瘡口開張膿水淋漓不能收斂者



當歸 川芎 白芍 熟地 白朮 茯苓

人參 黃芪各一錢 牡丹皮 枸杞子各八分 甘草

熟附子各五分 肉桂 澤瀉各三分

水二鍾煨薑三片大棗三枚煎八分食前服

滋陰九寶飲滋陰九寶飲芍歸花粉知母併黃栢 白芍黃連生地隨

治懸癰厚味膏梁蘊熱結腫小水澁滯大便秘結內熱口乾煩渴

飲冷及六脉沉實有力者服

川芎 當歸 白芍 生地 黃連 天花粉

知母 黃栢 大黃蜜水拌炒二錢

水二鍾煎八分空心服

應用方

托裏消毒散見腫瘍門 腎氣丸見肺癰門

十全大補湯



八珍湯

補中益氣湯

四物湯俱見瀆

內消沃雪湯

蠟礬丸見腫瘍門

九龍丹見魚口門

龍膽瀉肝湯見下疳門

附子餅見附骨疔門

臀癰論第三十五

臀癰生於小腹之後位遠僻與氣亦罕到血亦少來凡生此者溼熱

凝滯結聚乃成得此毒必外發庶不內攻初起毒從五臟蘊積者

患必有頭紅熱墜重如石內必口乾發熱宜內消沃雪湯通利積

熱外以膏貼瘡頂四邊以如意金黃散敷之拔出瘀膿紫血內兼

托藥自愈常有不知內服敗毒寒劑外敷涼藥氣血冰凝毒氣不

得外發反致內攻其瘡頭軟陷無膿根腳平散不痛內熱口乾煩

躁譫語痰喘氣麓恍惚不寧者俱為不治但此多從毒積於內自

裏至表者十有八九而從風寒暑溼自外至裏者百中一二既出



而復入裏者終爲死候

腎癰看法

初起有頭紅赤腫痛頂高發熱根腳高聳者爲易治已成炊執發腫
疼痛有時皮薄光亮色紅易膿爲順已潰膿稠而黃色如猪腦腫消
痛止起坐自便者易初起粟米形或黃泡一點平塌作癢根腳散漫
者重已成色紫堅硬腎腿俱腫小便澀滯日久無膿者險潰後無稠
膿頂空根軟塌手按不知疼神昏無治法

腎癰治法

初起惡寒體倦喜覆衣被脉浮緊而在表者微散之已成內熱口乾
好飲冷物小水澀而大便秘者通之頂高色赤炊痛發熱疼痛有時
者宜托裏更兼解毒腫已高而作疼膿已熟而不破脹痛難忍宜卽
針之潰後堅硬不消膿水不止飲食無味者宜補虛健脾

醫癰治驗

一男子患此四五日始生疼痛至晚作寒六脉浮而帶數以人參敗毒散二劑寒熱頓退疼痛稍止彼值公務相關欲出乃用針點入患頂五六分流去紫血用蟾酥條插入膏蓋以活血散瘀湯二服次日流出紫血隨便可行更服托裏藥五六服而安

一男子患此六七日焮痛發熱口乾便燥以托裏消毒散加花粉大黃二服便通渴止仍用前湯加角針山甲數服而膿潰又以十全大補湯半月而斂

一男子患此堅硬不潰此先寒涼之過也以十全大補湯加角針蒼朮丹皮四劑堅硬漸軟又以透膿散二服膿熟針之以前湯倍參芪歸朮月餘而斂

一男子暑月患此自爲內毒外用老鴉藤搗爛敷之每日續飲涼水

十餘碗如此三日瘡毒內陷患上平塌水冷口噤不言六脉虛細如絲辭不可治至夜而死又一人冬月患此外用四黃散涼水調敷內服敗毒涼藥毒亦內陷煩燥口乾鼻掀氣急患上平塌原頭存一空孔無水無膿予曰瘡毒已陷定不可治復請別醫俱曰無事予曰腎居小腹之後肌肉頑厚毒既到此必須內托為膿潰後最易收斂今已內外寒涼毒既內入豈能再出眾醫強投內消解毒定燥除煩之藥終至不應半月而死

腎癰主治方

活血散瘀湯

活血散瘀湯枳殼連翹花粉防風等

芎歸蘇木角紅花大黃赤芍乳香加

治腎癰初起紅赤腫痛墜重如石及大便秘澀

川芎

當歸

防風

赤芍

蘇木

連翹

天花粉

皂角針

紅花

黃芩

枳殼

大黃

錢二

水二鍾煎八分食前服便通者去大黃加乳香

黃芪內托散

黃芪內托散甚論
金銀花與甘草節

山甲芍歸皂刺加
腎癰諸腫藥無滯

治腎癰已成服前藥勢定者欲其潰膿宜服之

黃芪二兩

當歸

川芎

金銀花

皂角針

穿山甲

甘草

各一錢

水三鍾煎八分入酒一杯食前服

應用方

丙消沃雪湯

如意金黃散

人參敗毒散

托裏消毒散

透膿散俱見腫瘍門

蟾酥條見疔瘡門

十全大補湯

見瀉傷門

重訂外科正宗卷之八終

